

## Informacija o radu Uprave policije MUP-a Kantona Sarajevo za mjesec april 2021.godine

### KRIMINALITET

#### STATISTIČKI POKAZATELJI

U mjesecu aprilu 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 426 događaja sa obilježjem krivičnog djela (što je 169 ili 65,8% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 241 ili 56,6% je evidentirano po poznatom izvršiocu, a 185 ili 43,4% po nepoznatom izvršiocu.

Od ukupno 185 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 27 ili 14,6% (što je za 12,5% manje u odnosu na uporedni mjesec) od čega su četiri događaja evidentirana u mjesecu aprilu, a 23 u ranijem periodu).

U izvještajnom mjesecu Uprava policije MUP Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 227 obavijesti (57 više) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU APRILU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>APRIL 2021. GODINE</b>	<b>426</b>	<b>241</b>	<b>185</b>	<b>27</b>	<b>23</b>	<b>257</b>	<b>3</b>	<b>127</b>	<b>90</b>
APRIL 2020. GODINE	257	128	129	35	19	148	0	98	60
<i>uporedba</i>	169	113	56	-8	4	109	3	29	30
	65,8%	88,3%	43,4%	-22,9%	21,1%	73,6%	---	29,6%	50%

U toku mjeseca aprila ove godine prijavljeno je 257 lica (109 više), od kojih je 127 povratnika (29 više) (ili 49,4% od ukupnog broja prijavljenih lica), tri maloljetika (u uporednom mjesecu nije bilo evidentiranih maloljetnih lica), a 90 lica je lišeno slobode (30 više).

Za događaje sa obilježjem krivičnog djela, koji su evidentirani u mjesecu aprilu 2021. godine, prema izjavama oštećenih lica, nastupila je materijalna šteta u ukupnom iznosu od 611.960,00 KM i 4.000 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU APRILU 2021/20. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	APRIL 2021. GODINE	APRIL 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
PROTIV USTAVNOG PORETKA FEDERACIJE	<b>1</b>	0	1	---	1	0	0	---
PROTIV ŽIVOTA I TIJELA	<b>19</b>	13	6	46,2%	17	2	0	0%
PROTIV SLOBODE I PRAVA ČOVJEKA I GRAĐANINA	<b>12</b>	11	1	9,1%	12	0	0	---
PROTIV SPOLNE SLOBODE I MORALA	<b>3</b>	0	3	---	3	0	0	---
PROTIV BRAKA, PORODICE I MLADEŽI	<b>16</b>	26	-10	-38,5%	16	0	0	---
PROTIV ZDRAVLJA LJUDI	<b>39</b>	33	6	18,2%	39	0	0	---
PROTIV IMOVINE	<b>233</b>	144	89	61,8%	55	178	26	14,6%
PROTIV OPĆE SIGURNOSTI LJUDI I IMOVINE	<b>7</b>	7	0	0%	3	4	0	0%
PROTIV SIGURNOSTI JAVNOG PROMETA	<b>12</b>	6	6	100%	12	0	0	---
PROTIV PRAVOSUĐA	<b>3</b>	0	3	---	3	0	0	---
PROTIV JAVNOG REDA I PRAVNOG PROMETA	<b>76</b>	10	66	660%	75	1	1	100%
PROTIV PODMIČIVANJA I KD PROTIV SLUŽBENE I ODGOVORNE FUNKCIJE	<b>2</b>	4	-2	-50%	2	0	0	---
ZONDINOIM-a (Sl.novine Kantona Sarajevo br. 01/18)	<b>3</b>	3	0	isto	3	0	0	---
UKUPNO	<b>426</b>	257	169	65,8%	241	185	27	14,6%

U mjesecu aprilu 2021. godine u odnosu na isti mjesec prethodne godine, zabilježeno je značajno povećanje broja registrovanih događaja sa obilježjem krivičnog djela za 169 ili 65,8%. Najznačajnije povećanje zabilježeno je u oblastima protiv imovine (za 89 događaja), javnog reda i pravnog prometa (za 66), života i tijela (za šest), zdravlja ljudi (za šest), sigurnosti javnog prometa (za šest), itd., dok je smanjenje evidentirano u oblastima protiv braka, porodice i mladeži (za deset događaja) i „podmičivanja“ (za dva događaja).

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom aprila 2021. godine evidentirano je 19 događaja sa obilježjem krivičnog djela iz oblasti protiv života i tijela (šest više u odnosu na april 2020. godine) i to 17 po poznatom i dva po nepoznatom izvršiocu. Evidentirani su sljedeći događaji:

- ubistvo u pokušaju (član 166. KZ FBiH u vezi člana 28.) - tri (jedan manje događaj),
- teška tjelesna ozljeda (član 172. KZ FBiH) – sedam (dva više),
- lahka tjelesna ozljeda (član 173. KZ FBiH) – osam (pet više) i
- učestvovanje u tuči – jedan događaj (nije bilo evidentiranih ovih događaja u aprilu 2020.godine)

Nadležnom tužilaštvu podneseni su službeni izvještaji protiv 19 lica, od koji je sedam povratnika ili 36,8%, a četiri su lišena slobode.

**KRIVIČNA DJELA PROTIV SPOLNE SLOBODE I MORALA**

Iz oblasti krivičnih djela protiv spolne slobode i morala evidentirana su tri događaja (nije bilo ovih događaja u uporednom mjesecu) i to: silovanje – dva i bludne radnje – jedan događaj. U ovoj oblasti prijavljena su tri lica, koja su lišena slobode.

## PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu aprilu evidentirano je 16 događaja sa obilježjem krivičnog djela (deset manje) i to: nasilje u porodici – 11, trgovina ljudima – tri i zapuštanje ili zloastavljanje djeteta ili maloljetnika – dva događaja, za čije izvršenje je prijavljeno 13 lica, od kojih je sedam povratnika (ili 53,8%), a osam lica je lišeno slobode.

## PROTIV ZDRAVLJA LJUDI

Evidentirano je 39 događaja sa obilježjem krivičnog djela iz oblasti protiv zdravlja ljudi (šest više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 34 i
- nepostupanje po zdravstvenim propisima za vrijeme epidemije (čl. 226. KZ FBiH) – jedan događaj.

Nadležnom tužilaštvu podneseni su službeni izvještaji protiv 39 lica, među kojima je 27 povratnika (ili 69,2%), a 18 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 34 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

### PREGLED ODUZETE KOLIČINE OPOJNIH DROGA U MJESECU APRILU 2021/20. GODINE

vrsta opojne droge	APRIL 2021. godine	APRIL 2020. godine
Marihuana (paketići)	9	46
Marihuana (u gramima)	80,84	1.583,97
Speed (u gramima)	0,926	1,49
Amfetamin (paketići)	----	6
Amfetamin (u gramima)	1.478	210
Cannabis (sjemenke)	1.000	---
pribor sa tragovima droge (komada)	---	2

## PROTIV IMOVINE

U ovom mjesecu, evidentirana su 233 događaja sa obilježjem krivičnog djela protiv imovine (55 po poznatom i 178 po nepoznatom izvršiocu) što je za 89 ili 61,8% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 113 (35 više),
- krađa (član 286. KZ FBiH) – 63 (32 više),
- razbojništvo (član 289. KZ FBiH) – 29 (16 više),
- oštećenje tuđe stvari (član 293. KZ FBiH) – 15 (pet više),
- teška krađa u pokušaju (član 287. u vezi člana 28. KZ FBiH) – tri (četiri manje), itd.

Nadležnom tužilaštvu podneseni su službeni izvještaji protiv 68 lica, od kojih su 54 povratnika (ili 79,4%), a 24 su lišena slobode.

Od ukupno 178 događaja evidentirana po nepoznatom izvršiocu iz oblasti protiv imovine naknadno je rasvijetljeno 26 ili 14,6% (13,6% manje u odnosu na april 2020. godine).

Tokom mjeseca aprila ove godine, prema objektima izvršenja teških krađa, 43 su izvršene u stambenim objektima (sedam više u odnosu na uporedni mjesec), 29 u motornim vozilima (otuđenja motornih vozila i “provale” u ista) (18 više), 25 u poslovnim prostorima (pet manje), na ulici – šest (pet više), itd.

Takođe, evidentirano je 16 teških krađa motornih vozila od kojih su tri pronađena i vraćena vlasnicima (Uprava policije MUP-a KS-a pronašla je i vratila – dva i MUP RS-a – jedno vozilo). Broj otuđenih motornih vozila u odnosu na uporedni mjesec povećan je za 11.

Evidentirana su 63 događaja sa obilježjem krivičnog djela krađe (32 više) i to na ulici – 31 put, u poslovnim prostorijama – 18, u stambenim objektima - šest, vozilima GRAS-a – tri, itd. odakle su otuđivani novčanici, mobiteli, prehrambeni proizvodi, bicikli, tehnička roba, itd.

Evidentirano je pet događaja sa obilježjem krivičnog djela teških krađa na naročito opasan ili naročito drzak način (dva više), u kojima su izvršiocu, upotrebom fizičke snage (otimanjem i trganjem) - tri puta i verbalnom prijetnjom u dva slučaja, otimali novac i nakit. „Drške krađe“ izvršene su: na ulici - tri i u stambenom objektu – dva puta. Nadležnom tužilaštvu podnesen je službeni izvještaj protiv četiri lica.

U mjesecu aprilu ove godine evidentirano je 29 događaja sa obilježjem krivičnog djela razbojništva (16 više) i to na području slijedećih općina: Novi Grad – 14 (deset više), Ilidža – sedam (šest više), Centar - pet (četiri više), Novo Sarajevo – dva (dva manje) i Vogošća – jedan događaj (nije bilo ovih događaja). Nadležnom tužilaštvu podneseni su službeni izvještaji protiv osam lica i svi su povratnici, a šest je lišeno slobode.

Od ukupno 24 događaja razbojništva evidentiranih po nepoznatom izvršiocu, naknadno su rasvijetljena tri ili 12,5% (što je za 47,5% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta – 11 i upotrebom fizičke snage – sedam puta, a počinjena su u poslovnim prostorijama – 12 puta, na benzinskim pumpama 11, na ulici – pet i u stambenom objektu – jedno. Otudivani su novac, nakit i mobiteli.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam događaja (isti broj) - izazivanje opće opasnosti, a nadležnom tužilaštvu podneseni službeni izvještaji protiv tri lica, od kojih su dva povratnika, a jedno lice je lišeno slobode .

Događaji sa obilježjem krivičnog djela izazivanje opće opasnosti evidentirani su na otvorenom prostoru – šest puta i u stambenom objektu - jedno, pri čemu je u jednom slučaju pucano iz vatrenog oružja, pet puta je otvorenim plamenom izazvan požar i u jednom slučaju pronađena je nepoznata eksplozivna naprava u ugostiteljskom objektu. Posljedice navedenih događaja su nastala materijalna šteta i uznemirenost građana.

## PROTIV JAVNOG REDA I PRAVNOG PROMETA

U ovoj oblasti evidentirano je 76 događaja sa obilježjem krivičnog djela (66 više) i to: krivotvorenje isprave – 67 događaja<sup>2</sup>, napad na službenu osobu u vršenju poslova sigurnosti – četiri, nasilničko ponašanje – tri i nedozvoljeno držanje oružja ili eksplozivnih materija – dva događaja.

Nadležnom tužilaštvu podneseni su službeni izvještaji protiv 74 lica od kojih je deset povratnika (ili 13,5%), a četiri su lišena slobode.

## DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu aprilu 2021. godine evidentirana su tri događaja sa obilježjem krivičnog djela, u kojima su učestvovala tri maloljetna lica (u aprilu 2020. godine nije bilo evidentiranih maloljetnih lica). Prijavljeni maloljetnici su u dobi do 14 godina – jedan, od 16 do 18 godina – dva. Od ukupnog broja maloljetnika jedan je povratnik u izvršenju događaja sa obilježjem krivičnog djela.

### STAROSNA DOB MALOLJETNIH LICA APRIL 2021. GODINE

MJESEC	do 14 godina	od 16 do 18 god.	ukupno
april 2021. godina	1	2	3

Događaji sa obilježjem krivičnog djela u kojima su učestvovala maloljetna lica, evidentirani su u sljedećim organizacionim jedinicama Uprave Policije:

- I PU - dva događaja (izazivanje narodnosne, rasne i vjerske mržnje, razdora ili netrpeljivosti, posjedovanje i omogućavanje uživanja opojnih droga),
- V PU - jedan događaj (teška krađa).

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca aprila 2021. godine na području Kantona Sarajevo nisu evidentirani događaji aktiviranja minsko-eksplozivnih sredstava kao ni u aprilu 2020. godine.

Takođe, nisu evidentirane anonimne dojave o postavljenoj eksplozivnoj napravi kao ni u aprilu 2020. godine.

### POŽARI

Tokom mjeseca aprila 2021. godine, na području Kantona Sarajevo registrovano je 18 požara (27 manje u odnosu na isti mjesec prethodne godine), koji su za posljedicu materijalnu štetu.

Požari su registrovani na području općina: Ilidža - devet, Novi Grad - tri, Vogošća - dva, Ilijaš - dva, Centar i Novo Sarajevo - po jedan požar.

Prema statističkim pokazateljima, pet požara je izazvano namjerno, šest zbog tehničkih nedostataka, dva nehatom, dok uzroci pet požara spadaju u kategoriju ostalih.

Požari su registrovani u :

- saobraćajnim sredstvima - pet puta,
- stambenim objektima - tri puta,
- šumi - tri puta,
- poslovnom prostoru - jednom,
- ostalim objektima - šest puta.

Zbog izazivanja požara, nadležnom tužilaštvu podneseno je pet službenih izvještaja iz člana 323 KZ FBiH (izazivanje opće opasnosti).

#### SAMOUBISTVA

U mjesecu aprilu 2021. godine na području Kantona Sarajevo registrovana su dva samoubistava (dva manje), koja su izvršena: upotrebom vatrenog oružja i skakanjem sa visine - po jednom.

Samoubistva izvršena su na području općine Ilidža, a izvršiooci su dva muškarca starosne dobi između 25 i 30 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pušaka, devet pištolja, jedna ručna bomba i 180 komad municije raznog kalibra.

Tokom mjeseca marta ove godine fizičkim licima izdato je 105 odobrenja za nabavku vatrenog oružja i 144 oružna lista.

#### JAVNI RED I MIR

U toku mjeseca aprila 2021. godine u oblasti protiv javnog reda i mira evidentiran je **2.151 prekršaj** (318 ili 12,9% manje u odnosu na isti mjesec 2020. godine), a za izvršenje navedenih prekršaja prijavljeno je **2.170 lica** (302 ili 12,2% manje), od čega je 111 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 2.078 naloga i podnesena su 73 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 2.122 prekršaja (ili 98,6%), a na prekršaje koji su utvrđeni Odlukom općinskih vijeća o javnom redu i miru 29 (ili 1,3%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (849), preko 36 godina (694), 19 i 25 godina (626) i do 18 godina – jedan učinilac.

Prilikom narušavanja javnog reda i mira u mjesecu aprilu 2021. godine, nije bilo teže povrijeđenih lica (isto kao u aprilu 2020. godine), dok je devet lica (šest više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC APRIL 2021/2020.GODINA

PREKRŠAJI IZ ZAKONA O JRIM:	APRIL 2021.	APRIL 2020.	+ - %
<i>-Tuče</i>	34	16	+18 ili 112,5%
<i>-Naročito drsko ponašanje</i>	39	20	+19 ili 95%
<i>-Odbijanje naređenja i omalovaž. pol. služb.</i>	326	919	-593 ili 64,5%
<i>-Neovlaštena upotreba oružja</i>	---	---	---
<i>-Paljenje petardi</i>	---	---	---
<i>-Prosjačenje</i>	97	27	+70 ili 259,2%
<i>-Svađa, vika, nepristojno ponašanje</i>	14	4	+10 ili 250%
<i>-Uživanje opojne droge na javnom mjestu</i>	1	2	-1 ili 50%
<i>-Ostali prekršaji iz Zakona o JRiM</i>	1611	1400	+211 ili 15,1%
Prekršaji prema Odluci općinskog vijeća o JRiM	29	81	-52 ili 64,2%
ukupno	2.151	2.469	-318 ili 12,9%

Iz tabelarnog pregleda vidljivo je, da je tokom mjeseca aprila 2021. godine, u odnosu na april prethodne godine prema strukturi prekršaja povećan broj prekršaja:

- ostali prekršaji za 211 ili 15,1%,
- prosjačenje za 70 ili 259,2%,
- naročito drsko ponašanje za 19 ili 95%,
- tuče za 18 ili 112,5%,
- svađa, vika, nepristojno ponašanje za 10 ili 250%;

dok je smanjen broj prekršaja:

- odbijanje naređenja i omalovažavanje policijskih službenika za 593 ili 64,5%,
- prekršaji koji su regulisani Odlukom općinskih vijeća za 52 ili 64,2%,
- uživanje opojne droge na javnom mjestu za jedan ili 50%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (2.111 ili 98,1% od ukupnog broja), a znatno manje u ugostiteljskim objektima – sedam, u trgovinama i zanatskim radnjama - šest, a na ostalim mjestima 27 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU  
IZVRŠENJA ZA MJESEC APRIL 2021/2020. GODINE

MJESTO IZVRŠENJA	APRIL 2021.	APRIL 2020.	+ - %
Ugostiteljski objekti	7	6	+1 ili 16,7%
Ulice i drugi otvoreni prostori	2.111	2.454	-343 ili 14%
Vozila javnog saobraćaja	---	---	---
Sportski stadioni i dvorane	---	---	---
Škole i školska dvorišta	---	1	-1
Trgovine i zanatske radnje	6	---	+6
Ostala mjesta	27	8	+19 ili 237,5%
UKUPNO	2.151	2.469	-318 ili 12,9%

U odnosu na isti mjesec 2020. godine, povećan je broj prekršaja u ugostiteljskim objektima, u trgovinama i zanatskim radnjama i na ostalim mjestima, dok je smanjen broj prekršaja na ulici i drugim otvorenim prostorima kao i u školama i školskim dvorištima.

Na području Kantona Sarajevo u mjesecu aprilu 2021. godine održano je 260 javnih skupova. Policijski službenici Uprave policije proveli su planske aktivnosti u cilju bezbjednog održavanja javnih skupova, a u 17 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu aprilu 2021. godine u odnosu na isti mjesec prethodne godine smanjen je ukupan broj saobraćajnih nezgoda, nezgoda sa materijalnom štetom i nastradalim licima, kao i broj povrijeđenih lica, dok je broj poginulih lica povećan.

Registровано je 438 saobraćajnih nezgoda (86 ili 16,4 % manje u odnosu na april prethodne godine), od čega je 397 sa materijalnom štetom (81 ili 16,9 % manje) i 41 sa nastradalim licima (pet ili 10,9 % manje).

Tokom mjeseca aprila 2021. godine u saobraćajnim nezgodama na području Kantona Sarajevo tri lica su poginula (dva ili 200 % više), dok je 46 lica povrijeđeno (devet ili 16,4 % manje), od čega sedam teže i 39 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC APRIL 2021./20. GODINE

	april 2021.	april 2020.	+ ,-, %
UKUPNO SAOBRAĆAJNIH NEZGODA	438	524	- 86 ili 16,4 %
Saobraćajne nezgode sa nastradalim licima	41	46	- 5 ili 10,9 %
Saobraćajne nezgode sa materijalnom štetom	397	478	- 81 ili 16,9 %
POGINULO LICA	3	1	+ 2 ili 200 %
- vozači	1	1	-----
-putnici	1	0	+ 1
- pješaci	1	0	+ 1
POVRIJEĐENO LICA	46	55	- 9 ili 16,4 %
- vozači	26	40	- 14 ili 35 %
- putnici	12	10	+ 2 ili 20 %
- pješaci	8	5	+ 3 ili 60 %

U naselju su registrovane 404 saobraćajne nezgode (tri sa poginulim, 35 sa povrijeđenim licima i 366 sa materijalnom štetom), van naselja 34 nezgode (tri sa povrijeđenim licima i 31 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU APRILU 2021. (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	3	5	30	366	<b>404</b>	3	6	36
van naselja	0	1	2	31	<b>34</b>	0	1	3
<b>UKUPNO</b>	<b>3</b>	<b>6</b>	<b>32</b>	<b>397</b>	<b>438</b>	<b>3</b>	<b>7</b>	<b>39</b>

Prema **kategoriji puta**, najveći broj saobraćajnih nezgoda registrovan je:

- na ulicama u naselju - 272 nezgode u kojima su 23 lica nastradala (dva lica poginula, 21 lice povrijeđeno, pet teže i 16 lakše),
- na magistralnim putevima - 61 nezgoda u kojoj je 13 lica nastradalo (jedno lice poginulo, 12 lica povrijeđen, jedno teže i 11 lakše),
- na regionalnim putevima - 56 (pet lica povrijeđeno, jedno teže i četiri lakše),
- na lokalnim putevima - pet (bez nastradalih lica),
- na putevima koji se ubrajaju u kategoriju ostalih - 44 saobraćajne nezgode sa u kojima je osam lica lakše povrijeđeno.
-



## POSLJEDICE SAOBRAĆAJNIH NEZGODA

Tokom mjeseca aprila 2021. godine, u saobraćajnim nezgodama na području Kantona Sarajevo nastradalo je ukupno 49 lica (sedam ili 12,5% manje). Tri lica su poginula<sup>3</sup> (dva ili 200 % više), dok je 46 lica povrijeđeno (devet ili 16,4% manje), od čega sedam teže (jedno ili 16,7% više) i 39 lakše (10 ili 20,4% manje).

### STEPEN POVREDA UČESNIKA U SAOBRAĆAJNIM NEZGODAMA

- Vozači :  
26 vozača povrijeđeno (tri teže i 23 lakše)
- Putnici:  
12 putnika povrijeđeno (jedan teže i 11 lakše)
- Pješaci:  
osam pješaka povrijeđeno (tri teže i pet lakše)

**Starosna struktura nastradalih lica** u saobraćajnim nezgodama je slijedeća:

- Ispod šest godina - dva lica,
- Od 6 do 17 godina - šest,
- od 18 do 30 godina - 12,
- od 31 do 40 godina - 10,
- od 41 do 50 godina - sedam,
- od 51 do 65 godine - šest,
- 66 i više godina - pet,
- Nepoznata starosna dob - jedno lice.

**Starosna struktura nastradalih vozača** u saobraćajnim nezgodama je slijedeća:

- od 18 do 30 godina - 10 lica,
- od 30 do 40 godina - sedam,
- od 40 do 50 godina - šest,
- od 50 do 60 godina - tri,
- 60 i više godina - jedno lice.
- 

## UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 371 (tri lica poginula, 35 lica povrijeđeno, pet teže i 30 lakše),
- neprilagođena brzina - 67 (11 lica povrijeđeno, dva teže i devet lakše).

## AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca aprila 2021. godine, policijski službenici Uprave policije MUP-a Kantona Sarajevo kontrolisali su:

- 12.357 vozila i vozača (3.973 više),
- 3.357 lica u vozilima (172 manje),
- pregledali 209 vozila (56 više) i 197 lica u tim vozilima (82 više).

Zbog tehničke neispravnosti iz saobraćaja je isključeno 20 vozila (19 više), 36 vozača je zatečeno da upravljaju vozilom pod dejstvom alkohola (26 manje), 243 bez korištenja sigurnosnog pojasa (139 više), 184 bez položenog vozačkog ispita (30 više), 61. pod izrečenom zaštitnom mjerom (30 više), 240 vozača je zatečeno da koriste mobitel tokom vožnje (102 više) i 371. vozilo je učestvovalo u saobraćaju bez važeće registracije (138 manje).

Zbog kršenja propisa iz oblasti sigurnosti saobraćaja uručena su 12.632 prekršajna naloga vozačima (2.811 ili 28,6 % više u odnosu na april prošle godine) i podneseno 246 zahtjeva za pokretanje prekršajnog postupka (71 ili 40,6 % više).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca aprila 2021. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 4.860 prekršajnih naloga (2.864 više), upozoren je 191 vozač (55 više), a specijalnim vozilom "pauk" premještena su 52 vozila (33 više).

Takođe, pješacima koji su kršili propise uručeno je 85 prekršajnih naloga (79 više), a upozorena su 82 pješaka (39 više).

#### ZAKONITOST U RADU

Tokom mjeseca aprila 2021. godine, registrovana su tri pojedinačna napada (dva više) na policijske službenike Uprave policije MUP-a Kantona Sarajevo. U napadima su učestvovala tri punoljetna lica koja su u dva slučaja koristila fizičku snagu, a u jednom slučaju oruđa i druge predmete.

Napadi su izvršeni na policijske službenike:

- Druge PU - dva
- Šeste PU (PS Hadžići) - jedan

Tokom mjeseca aprila 2021. godine, razmatrane su 22 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 11 predavki (isti broj) provede unutrašnja istraga, za šest predavki je odlučeno da se izvrše provjere i prikupi dokumentacija, a za pet da su neosnovane.

Od ukupno 22. razmatrane predstavke, 19 je podneseno od strane građana, dok tri predstavke predstavljaju saznanja iz službe.

Okončano je 12 unutrašnjih istraga, među kojima je šest neosnovanih, četiri su bile bez dovoljno dokaza, u jednom slučaju istraga je osnovana, dok je u jednom slučaju interni postupak prekinut do okončanja krivičnog postupka ili krivične istrage.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja sa ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Učestvovanje na Internetnom događaju na temu „Podizanje svijesti i izgradnja efikasne komunikacije između policijskih agencija i jevrejske zajednice u BiH“, organizovanom od strane Ureda za demokratske institucije i ljudska prava (ODIHR), Misije OSCE-a u Bosni i Hercegovini i Svjetskog jevrejskog kongresa (WJC).

- Nastavljena je realizacija projekata: „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u BiH“ u online modelu kroz održane radionice u osnovnim i srednjim školama na području Kantona Sarajevo.

Postupano je po naredbi Vlade Kantona Sarajevo koja se odnosi na kontinuirano provođenje mjera u vezi ograničenja rada ugostiteljskih objekata radi pandemije „Koronavirusa“ (COVID 19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja/kućni karantin.

Takođe, vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i „drskih krađa“.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.469 migranata.

U mjesecu aprilu 2021. godine migranti su učestvovali u četiri događaja sa obilježjem krivičnog djela i to:

- *Ugrožavanje sigurnosti (čl. 183. KZ FBiH),*
- *Posjedovanje i omogućavanje uživanja opojnih droga (čl.239. KZ FBiH),*
- *Krađa (čl. 286. KZ FBiH) i*
- *Razbojništvo u pokušaju (čl. 289. u vezi člana 28. KZ FBiH) – po jedan događaj.*

Tokom mjeseca aprila 2021. godine, službenici policije kontrolisali su 138 migranta, od čega 25 nije posjedovalo registrovani obrazac, 17 je upućeno i predato službi za poslove sa strancima radi registracije, a 65 migranata je smješteno u imigracione centre.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>MJESEC APRIL 2021. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.469
UKUPAN BROJ KONTROLISANIH MIGRANATA	138
BROJ MIGRANATA LIŠENIH SLOBODE	2
BROJ KRIVIČNIH DJELA POČINJENIH OD STRANE MIGRANATA	4
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	3
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	6
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	65

Sarajevo, 11.05.2021.godine

Odjeljenje za odnose s javnošću